

Radunonza communal dils 21 da matg 2021

1. Beinvegni

Il president communal beneventa 96 votantas e votants a questa radunonza communal. Culs 4 commembers dalla suprastanza presents ed il canzlist ein 101 persunas cun dretg da votar presentas.

Tier la gliesta da tractandas dat ei neginas menziuns aschia che quella vala sco approbada.

2. Elecziun dils dumbravuschs

Ils proponi vegnan elegi unanimamein.

3. Protocol dalla radunonza communal dils 31-03-2021

Dil protocol han ins saviu prender investa en canzlia communal. Igl ei vegniu inoltrau neginas protestas a scret. Il protocol vala tenor artechel 25 dalla constituziun da vischnaunca cun quei sco approbaus.

4. Examinaziun d'ina fusiun dallas vischnauncas Falera, Laax, Sagogn e Schluein el senn d'in preproject

Decisiun: La radunonza approbescha l'examinaziun d'ina fusiun dallas vischnauncas da Falera, Laax, Sagogn e Schluein el senn d'in preproject cun 93 vuschs GIE ed 1 cuntervusch.

5. Rapport e quen annual 2020

1. *Sco emprem vegn votau davart la proposta ord il pievel da buca approbar las posiziuns pert. la fonauna Cresta.*

Decisiun: 21 vuschs GIE, 39 vuschs NA. La proposta ord il pievel ei cun quei luquidada.

2. *Sco secund vegn votau davart la proposta d'approbar il quen annual.*

Decisiun: La radunonza communal approbescha il quen annual 2020 cun 67 encunter 13 vuschs.

3. *Sco tierz vegn votau davart la proposta da dar descarga allas autoritads ed al contabilist responsabel.*

Decisiun: La radunonza communal decida cun 75 encunter 4 vuschs da dar descarga allas autoritads ed al contabilist responsabel.



6. Quen annual onn da scola 2019/20 dil consorzi da scola superiura scolaviva

Decisiun: La radunonza approbescha il quen annual 2019/20 dalla scola superiura cun 97 vuschs GIE e neginas cuntervuschs.

7. Perimeter sanaziun Via Suloms, sistem da separaziun, lingia da hidrant

a) *Decisiun: La radunonza approbescha il credit brut sur frs. 300'000.- per la sanaziun dalla Via Suloms (procedura da perimeter) cun grond surpli e neginas cuntervuschs.*

b) *Decisiun: La radunonza approbescha il credit brut sur frs. 80'000.- per la realisaziun dil sistem da separaziun Via Encarden cun grond surpli e neginas cuntervuschs.*

c) *Decisiun: La radunonza approbescha il credit brut sur frs. 85'000.- per la realisaziun dil sistem da separaziun ed ina lingia da hidrant Via Suloms cun grond surpli e neginas cuntervuschs.*

8. Damonda da credit conduct circular Via da Laax

Decisiun: La radunonza approbescha il credit brut sur frs. 340'000.- per finir la reit dil conduct circular ella Via da Laax cun grond surpli e neginas cuntervuschs.

Il president communal siara la radunonza allas 22:15.